

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

03. Aningaasaqarnermut tunngasut

**Imm. 3.1 2025-mi missingersuutinut ukiunullu missiliuuteqarfiusunut missingersuutissanut
kissaatit**

08. Tamalaat

Imm. 8.1 Tamalaat

Ataatsimiinneq aallartippoq nal. 13:14

Peqataasut:

Inuit Ataqtiguit

Juliane Enoksen, Siulittaasoq, Sisimiut
Navarana Lennert Andersen, Sisimiut

Siumut

Barnabas Larsen, Kangaamiut

Naleraq

Steffen Johansen

Nalunaaruteqarlutik peqataannngitsut:

Nalunaaruteqaratik peqataannngitsut

Hans Frederik Olsen, siulittaasup tullia,

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

03. Aningaasaqarnermut tunngasut

Imm. 3.1 2025-mi missingersuutininut ukiumullu missiliuuteqarfiusunut missingersuutissanut kissaatit

Journalnr. 40.01

Tunuliaqutaq

Ukiuni 2026-2028-mi missiliuuteqarfilerlugu ukiumut 2025-mut missingersuutinik suliaqarnissamut piffissatut pilersaarut nutartigaasoq aningaasaqarnermut ataatsimiititaliap aalajangersarnikuuaa. Ataatsimiititaliat 2024-mi aggutsip 15-iat nallertinnagu sanaartugassatut kissaatiminnik nassiussissapput sanaartugassatullu kissaatit ingerlatsinermut aningaasartuutit qaffariaataannik malitseqassanngillat. Atugarissaarnermut ataatsimiititaliaq 2025-mut missingersuutit pillugit isumasioqatigiinnissamut missingersuutininut kissaatinik pingasunik nassiussaqaarsinnaavoq.

Missingersuutininut kissaatit Kommunalbestyrelsip 2022-miit 2026 tungaanut Pilersaarusernermut periusissiaanut arfineq-marlunnik anguniagaqartuusumut naapertuutissaaq: Inuunerissaarnej, Peqqinneq, Meeqqat, inuussuttut meeqqallu atuarfia, Ilinniartitaaneq inuussutissarsiutinillu siuarsaaneq, Kulturi sunngiffillu, Aalisarnej piniarnerlu aamma Takornariaqarnej.

Maleruagassatigut tunngavissaq

Qeqqata Kommuniani karseqarnermut naatsorsuuserinermullu malittarisassat.
Qeqqata Kommuniani aqutsinermut ileqqoreqqusaq.

Pissutsit atuuttut

Qeqqata kommuniani aqutsinermut maleruaqqusani § 12, taaneqartumi Atugarissaarnermut ataatsimiititaliap pingaarnertut akiussaaffeqarfii tassaapput: Meeqqanut inuusuttunullu immikkoortoq, Inunnut innarluutilinnut immikkoortoq, Utoqqarnut isumassuineq Ikiuisarnermullu immikkoortoq, pisortanik ikiorsiissutit utoqqalinersiallu ilanngullugit. Ataatsimiititaliap akisussaaffeqarfigisaatut Pilersaarusernermut periusissami Anguniagaq nr. 1 "Inuunerissaaneq" (qupp. 6-7), Anguniagaq nr. 2 "Peqqinneq" (qupp. 8-9) kiisalu ilannakortumik Anguniagaq nr. 3 "Meeqqat inuusuttullu kiisalu Meeqqat atuarfiat" (qupp. 10-11) taaneqarput.

Atuilluartuunissakkut kingunerisinnaasai

Missingersuutininut kissaatit sorliit piviusunngortinneqarnerat apeqqutaalluni, atuilluartuunissamut kingunerisinnaasat assigiinngillat. Kissaatinut ataasiakkaanut Allaffeqarfiup naliliinerata ataani annertunerusumik takunnittoqaarsinnaavoq uani ataaniittumi.

Aningaasaqarnikkut allaffissornikkullu kingunerisinnaasai

Allaffeqarfiup siunnersutigaa, pilersaarusernermut periusissiami anguniakkani ukkataqartumik missingersuutininut 2025 kissaatinik pingasunik ataatsimiititaliaq toqqaassasoq taakkulu missingersuutit pillugit isumasioqatigiinnissamut innersuussutigalugit. Kissaatit kommunalbestyrelsimit 25.marts 2023 akuersissutigineqartumit Pilersaarusernermi periusissiaq 2022-2026-mit tunuliaqutaqassapput.

Kommunimi immikkoortortani arlalinni ineriartortitsinissamut suliniutitut suliaqarfiini anguniagassanik pilersaarusernermi periusissiaq allaaserinnittuummat, kommunimi ingerlatsivinnut tamanut sulinermi sakkussaavoq pingaaruteqartoq. Taamaaliornikkut kommunimi

timalimmik aningaasaqarnikkullu pilersarusiornermut, pilersarusiornermi periusissiaq aallaavimmik pilersitsivoq.

Allaffeqarfiup naliliinera

Siunnersuutitut nutaanut allaffeqarfiup oqaaseqaataata ataatingaani allattoqqapput.

1. Maniitsumi utoqqaat illuanni Neriusaami iluarsartuussinerit.

Utoqqaat illuata illutaa nungullariartulernermik takussutissaqarpoq aammalu illup innarlinginnissaata najugaqartunullu isumannaatsuunerup paariinnarnissaanut pingaarutilimmik iluarsartuussinissamut pisariaqartitsisoqarpoq. Ajornartorsiuteqarfiusut immikkut ittunut ilaapput illup qaava, saqqaa aamma illup ilusimigut atorneqarsinnaanera aput katersuuttarnerannut aputaajaasarnermullu tunngatillugu iluaqutaanngitsuusut. Aammattaaq utoqqaat illuata igaffiani igaffimmik matusinermik kinguneqarsinnaasumi natermik annertuumik suliaqarnissamut pisariaqartitsisoqarpoq. Utoqqaat illuanni elevatori unittuukulaartorujussuuvog aammalu iluarsartuussinermut aningaasartuutunik akisuunik amerlasuunik kinguneqartitsinikuulluni. Piffissami aggersumi elevatorimik taarsiisoqartariaqalersinnaavoq. Iluarsartuussinissat 2022-mi 6,8 mio. koruuninut nalilerneqarput, kisianni igaffimmi elevatorimilu unammillernartitat nutaat pissutigalugit nalilersoqqinneqassapput.

2. Sisimiuni qimarnguummik pilersitsineq.

Illoqarfinni qimarngueqanngitsuni imaluunniit innuttaasunut persuttagaanermik aqquusaagaqarsimasunut atugassarititaasunik assingusunik peqarfiunngitsuni qimarnguummik pilersitsinissamut Nordatlantpuljen aqutugalugu qallunaat naalagaaffiat 10,5 mio. koruuninik immikkoortitsinikuuvog. Suleqatigiinnissamut isumaqatigiissut malillugu persuttagaanermik eqqugaasimasunut atugassanik Sisimiuni Maniitsumilu illuni pioreersuni qimarnguummik pilersitsoqarnissaanik sulisoqassaaq. Maniitsumi Ilaqutariinnut inerisaaviunikuusog (B-620) persuttagaasimasunut sisamanut inissaqartuusog iluarsartuunneqarsinnaanera eqqarsaatigineqarsinnaavoq. Teknikkeqarfimmiit paasissutissat malillugit iluarsaassineq 1,5 mio. koruunit missaani akeqassaaq. Qimarnguummik ingerlatsineq 1,6 mio. koruunit missaani akeqassasog naatsorsuutigineqarpoq. Nunatta karsia taamaallaat qimarnguummit imminut pigisunut tapiissuteqarsinnaarpasipog.

3. Maniitsumi qimarnguummik pilersitsineq.

Illoqarfinni qimarngueqanngitsuni imaluunniit innuttaasunut persuttagaanermik aqquusaagaqarsimasunut atugassarititaasunik assingusunik peqarfiunngitsuni qimarnguummik pilersitsinissamut Nordatlantpuljen aqutugalugu qallunaat naalagaaffiat 10,5 mio. koruuninik immikkoortitsinikuuvog. Suleqatigiinnissamut isumaqatigiissut malillugu persuttagaanermik eqqugaasimasunut atugassanik Sisimiuni Maniitsumilu illuni pioreersuni qimarnguummik pilersitsoqarnissaanik sulisoqassaaq. Maniitsumi Ilaqutariinnut inerisaaviunikuusog (B-620) persuttagaasimasunut sisamanut inissaqartuusog iluarsartuunneqarsinnaanera eqqarsaatigineqarsinnaavoq. Teknikkeqarfimmiit paasissutissat malillugit iluarsaassineq 1,5 mio. koruunit missaani akeqassaaq. Qimarnguummik ingerlatsineq 1,6 mio. koruunit missaani akeqassasog naatsorsuutigineqarpoq. Nunatta karsia taamaallaat qimarnguummit imminut pigisunut tapiissuteqarsinnaarpasipog.

4. Sisimiuni Ilaqutariinnik kiffartuussivimmuut angerlarsimaffinni ikiuisartut marluk.

2022-miit 2026 tungaanut kommunip pilersarusiornermi periusissiaa malillugu Atugarissaarluni ineriartorlunilu meeqqat inuunerat pitsaasog; Oqaloqatiginnittartunit/sullissisunit meeqqat angerlarsimaffimmi ajornartorsiutillit siusissukkut

ikiorneqarnissaasa qulakkeerneqarnissaa, Ilaqutariinnut tapersersuineq qulakkiissallugu, taamaalillutik angajoqqaat akisussaaffimmik tiguisinnaaniassammata killiliisinnaallutillu, Ilaqutariit meerartallit angerlarsimaffimmi ajornartorsiutilinnut ikiorsiinissaq tapersersuinissarlu pillugu neqeroorutit amerlanerusut qulakkeerneqarnissaat)

5. Ikiuisarnermut vagteqartitsisarnermut missingersuutit

Ilaqutariinnut kiffartuussivik/inerisaavik kommunit illoqarfiini nunaqarfiinilu piffissaq tamaat ikiuigasuarnermik ataqatigiissarisarput. Nalinginnaasumik suliffiup avataatigut (sapaatip akunneranut akunnerit 128) vagtiusup mobilia sulisumit angerlaanneqartarpoq.

Ataatsimiititaliami ilaasortanit allanit sanaartugassatut kissaatinik takkussisoqarsinnaavoq. Missingersuutininut kissaatit suliarineqarsinnaassagunik sumiiffikkaartussasoq maluginiaqquneqarpoq. Kissaat "Sisimiuni Maniitsumilu" oqaasertalerneqaruni kissaatitut marluttut kisinneqassaaq.

Innersuussut

2025-mut missingersuutininut ukiunullu missiliuteqarfiusunut 2026-2028-mut ingerlatsinermit kissaatinik amerlanerpaamik pingasunik toqqaanissaq, Atugarissaarnermut ataatsimiititaliamut aalajangigassanngorlugu innersuussutigineqarpoq.

Aalajangiineq

AA kissaat 1: Maniitsumi utoqqaat illuanni Neriusaami iluarsartuussinerit.

AA kissaat 2: Puigortortunngortut angerlarsimaffissaanut pilersaarut anigaasaliiffigineqaaqqinnissaa

AA kissaat 3: Sisimiuni qimarnguimmik pilersitsineq

Ilanngussat

1. Pilersaarusiornermi periusissaq 2022 - 2026

2. Suleqatigiinnissamut isumaqatigiissut 2021

08. Tamalaat

Imm. 8.1 Tamalaat

Soqanngilaq.

Ataatsimiinneq naavoq nal. 13:54

Juliane Enoksen	
Hans Frederik Olsen	
Navarana Lennert Andersen	
Barnabas Larsen	
Steffen Johansen	